

薛立齋醫案全集

辛酉孟夏中澣  
茂齋署



保嬰撮要序

余一日過薛立齋先生見先生蓬頭執卷紉繹尋思恍然如經生下帷之狀先生以余至乃入戶理衣冠余締觀几案中皆殘編斷簡皮殼脫落及取一卷閱之其點竄註釋較之經生下帷者倍之矣余曰先生苦心哉先生曰醫之道不明世之患天札者將何所控訴為也而嬰兒為甚夫嬰兒不能言也傳曰如保赤子心誠求之雖不中不遠矣夫中其欲非難也尤須心誠求之而況於疾痛癢癢變幻百出者邪今之醫者率執數方以求試及其不効則曰命也夫按方以求病非因病以處方此與刻舟膠柱者何異焉顧卒委之命悲夫先生又曰真精合而人生焉是人之身亦藉脾土以生茲蓋主本之論云今嬰兒雖未能言然聲音之所悲號形氣之所宣揚意欲之所指向機未嘗不可見也虛之實之扶之抑之古人之成法俱在或晦而難辨或雜而不分宜乎學醫者之望洋矣余曰願先生纂而約之余將刻以傳焉先生唯唯余又曰頻年以來倭夷弗靖坵墟村落之民耕織之所依者十亡二三也先生幸用心校之倘是書的然可傳則今日之所生全者即不必皆俊秀固亦雲漢之遺黎桑榆之耕織也先生有餘仁矣書成於丙辰年正月余不佞為之識其篇端立齋先生名己官太醫院使蓋三吳世家云

嘉靖丙辰歲春正月吉日

賜進士第中憲大夫知蘇州府事前工科給事中閩林懋敬書

保嬰撮要卷之一

吳郡薛鎧集

薛己 驗

初誕法

小兒初胎稟陰陽五行之氣以生臟腑百骸藉胎液以滋養受氣既足自然生育分曉之時口含血塊啼聲一出隨即嚙下而毒伏於命門遇天行時氣久熱或飲食停滯或外感風寒驚風發熱等因發為瘡疹須急於未啼時用軟帛裹指挖去其血用黃連豆豉硃蜜甘草解之後雖出痘亦輕矣有嚙入即時腹脹嘔吐短氣不乳者用茯苓九治之但黃連性寒若稟母氣膏粱積熱者宜服若滋味淡薄胎氣元弱者又不宜用其硃砂固能解毒恐金石鎮墜不若只以牛黃分許蜜調與吮為佳世多用犀角解毒丸其胎氣虛寒虛弱者反傷脾胃生氣甚致不育又有嬰兒因其難產或冒風寒而垂危者切不可便斷臍帶急烘綿絮包抱懷中急以胎衣置火中煨燒更用大紙捻於臍帶上往來燎之使煖氣入腹須臾氣復自甦尤戒沐浴恐腠理不密元氣發泄而外邪乘之也

黃連法臨月用黃連細切為末綿裹百沸湯拭口

甘草法預以甘草細切少許臨產時以綿裹沸湯泡盞內覆溫收生之際以棉絮裹指蘸甘草汁拭其口

次用黃連法硃蜜法

硃蜜法用黃連細切沸湯泡良久濾淨拭兒口中吐去惡汁更與硃砂一大豆許細研以蜜一蜆殼抹於兒口服之非獨鎮心定魄安神解毒更能益肝胆除煩熱辟邪氣也

又牛黃法與硃蜜同少加牛黃能益肝胆除熱定精神止驚邪辟惡氣除小兒百病

茯苓九 赤茯苓 黃連胎毒用藥 枳殼炒各等分 右為末煉蜜丸如桐子大每服一九乳汁化下

護養法

巢氏云小兒初生肌膚未實宜用舊絮護其背不可太煖更宜數見風日則血氣剛強肌肉緻密若藏於

重幃密室或厚衣過暖則筋骨軟脆不任風寒多易致病衣服當隨寒熱加減但令背暖為佳亦勿令出汗恐表虛風邪易傷乳哺亦不宜過飽若宿滯不化用消乳丸治之陳氏所謂忍三分寒吃七分飽頻臍肚少洗澡要肚暖頭涼心胸涼皆至論也須令乳母預慎七情六淫厚味炙博則乳汁清寧兒不致疾否則陰陽偏勝血氣沸騰乳汁敗壞必生諸症若屢用藥餌則臟腑陰損多致敗症可不慎歟大抵保嬰之法未病則調治乳母既病則審治嬰兒亦必兼治其母為善

消乳丸

縮砂仁

陳皮

京三棱煨

蓬朮煨

神麴

麥芽酪半

香附子炒一

以上為末麵糊丸麻子大每服二三丸白湯送下

### 噤風撮口臍風

小兒初生噤風者因胎中受熱毒流心脾生下復為風邪所搏致眼閉口噤啼聲不出舌上如粟口吐白沫在百日內見撮口者因胎熱兼風自臍入於心脾致面目黃赤氣急喘急啼聲不出舌強唇青聚口撮面腹脹青筋吊腸牽痛吐白沫者不救法當疎利臍風者因斷臍之後為水濕風邪入於心脾致腹脹臍腫四肢柔直啼不吮乳甚者發搐先用龍膽湯天麻丸之類以去痰涎後用益脾散之類補脾胃若臍邊青黑手拳口噤是為內搐不治受病之源皆因乳母七情氣鬱厚味積熱所致若瓜甲黑伸引努力臍突者用大連翹飲子之類又斷臍不盈尺多患此者以舊綿燒灰摻之齒齦有泡如粟以帛裹指蘸溫水擦破口即開不用藥七日内患者百無一生古人治法大率如此又田氏治噤風用天南星末一錢片腦少許以指蘸薑汁擦齦立開丹溪用赤足蜈蚣去足炙為末以豬乳調五分徐徐灌之或用牛黃以竹漚調服一字隨以豬乳滴於口中聖惠方用鬱金黎蘆瓜蒂為末水調搗鼻中錢氏云撮口因浴後拭臍風邪所入而作用益黃散補之無擇云視其齒齦有泡擦破口即開用真白僵蚕為末蜜調塗口內保嬰集云小兒百日臍風馬牙當作胎毒瀉足陽明火用針挑破以桑樹白汗塗之又云初生小兒時時宜傳桑汁不然多有舌硬撮口之症竊謂臍風果因浴拭外傷皮膚者用綿灰或枯礬抹擦之即愈若因乳母肝脾

驚起致兒為患當治其母若因剪臍短少或因束縛不緊或因牽動風入臍中或因鐵器斷臍冷氣傳於脾絡以致前症者口內有水泡急搗破去其毒水以艾炙臍中亦有生者

千金龍膽湯治月內臍風撮口四肢驚掣發熱吐乳及變蒸客忤鬼氣驚癇加人參當歸

龍膽草炒 鈞藤鈎 柴胡 黃芩炒 桔梗 芍藥炒 茯苓

甘草各二錢 蟬蛭二枚去足 大黃二錢 右為末每服一二錢水煎量兒加減

天麻丸治鈎腸鎖肚撮口

天南星炮 白附子 牙硝 天麻 五靈脂 全蝎焙 輕粉五分

已豆霜一字 右為末每服一字薄荷湯調下

定命丹治天鈎撮口通痢痰熱

全蝎七枚 天麻 南星炮 白附子各二錢 朱砂 青黛各一錢 輕粉

麝香各五分 片腦一字 右為末米糊丸菜豆大每服一九荊芥薄荷湯下先研半丸吹入鼻中

銀珠丸治胎風壯熱痰盛翻眼口噤或胎中蘊毒

水銀和藥 全蝎 南星 朱砂各一錢 白附子一錢 牛黃 蘆薈各三

鉛霜五水和 片腦一字 麝香五分 真僵蚕 共為末米糊丸芥子大每服三九薄荷湯下

紫霜丸治變蒸發熱不解或食癇先寒後熱或乳哺失節宿滯不化腹痞嘔吐或大便酸臭

代赭石煅用醋 赤石脂各二 杏仁五十箇 巴豆仁三十枚去 右先將杏仁巴豆研成膏入代赭石脂

末研勻湯浸蒸餅丸如粟米大每服三五丸米飲下

消食丸方見黃胆

控痰散治風噤先用此藥吐風涎次與益胃散和胃又與長砂膏利驚握拳噤口者不治

蝎尾 銅青各五 朱砂一錢 膩粉一字 麝香少許 右為末每服一字茶清調下輕者

勿用或以甘草湯吐之

甘草湯治撮口

甘草生一錢

右水煎以綿裹蘸吮令出痰涎却以猪乳點入口中即瘥

益胃散

白茯苓

人參

甘草

木香濕紙裹煨

草果煨

陳皮

厚朴薑製

紫蘇子炒各等分

右為末每服一錢薑棗水煎

辰砂膏治眼閉口噤啼聲不出吮乳不得口吐白沫

辰砂三錢

鵬砂

馬牙硝各一錢五分

玄明粉

全蝎

真珠銕一

麝香一分

右為末

每服一豆許諸驚薄荷湯下潮熱甘草湯下月內用乳汁調塗乳頭令吮之

葱號散治初生小兒七日不小便

葱白三寸

人乳

共同搗如泥傳兒口內即與吮乳

蠶號散治初生兒七日不乳名撮口

蠶蠶四個去嘴畧炒

茯苓少許

共為末蜜調傳兒口內

僵蠶膏治撮口用真僵蠶三枚去嘴畧炒為末蜜調搽口中

撮風散治撮口

釣藤鈎

朱砂

赤脚蜈蚣半條真僵蠶焙

蝎稍銕一

麝香一字

右為末每服一字竹

瀝調下

瓜蒂散治臍風撮口

瓜蒂七個

赤小豆

秫米各七

右為末用一豆許吹兩鼻內令出黃水更調服吐黃水即瘥

大連翹湯治胎熱臍風小便不通及諸般瘡毒

連翹

瞿麥

荊芥

木通

赤芍藥

當歸

防風

柴胡

滑石

蟬殼

甘草

山梔子

黃芩

右為末每服二錢加紫草

水煎熱甚加大黃更詳症加減

安臍散

羚羊角

一錢 亂髮一團 燒蜈蚣足一條 赤

右為末斷臍後即傳之以絹帕緊束恐犯風也

脈法

錢仲陽云小兒之脈氣不和則弦急傷食則沉緩虛驚則促急風則浮冷則沉細脈亂者不治水鏡訣云陰陽運合男女成形已分九數四肢乃生五臟六腑部分既別逆順難明若憑寸口之浮沉必乃橫亡於孩子須明虎口辨別三關消詳用藥始無差誤未至三歲看虎口食指第一節名風關脈初見易治第二節名氣關脈見病深難治第三節名命關脈見死不治三關青是四足驚赤是水驚黑是人驚紫色瀉利黃色雷驚三關通度是極驚之症必死或青或紅有紋如線一直者是乳食傷脾必發驚熱左右一樣者是驚與積齊發有三條或散是肺生風痰或似駒駝聲有赤是傷寒及嗽如紅火是瀉紅黑相兼主下痢青多白痢紅多赤痢紫色相兼加渴虎口脈紋亂主胃氣不和青是驚與積青黑發慢驚脈人掌乃內鈞指紋曲裡風盛驚外食積此論三歲以上之法若三歲以下更用一指按高骨乃分三關定其息數呼吸八至為平脈九至不安十至危困浮主風沉遲主虛冷實主有熱緊主顛癇洪主熱盛沉緩主虛瀉微遲有積有蟲遲瀉主胃脫不和沉主乳食難化沉細主乳食停滯緊弦主腹中熱痛牢實主大便秘沉而數者骨中有熱弦長是肝膈有風緊數乃驚風為患四肢掣顫浮洪乃胃口有熱沉緊主腹痛有寒虛濡者有氣又主慢驚乳主大便秘血四歲以下用一指依轉尋三部以關為準七八歲移指少許九歲次第依三關部位尋取十一十二歲亦同十四十五歲依大方脉部位診視凡看脉先定浮沉遲數陰陽冷熱沉遲為陰浮數為陽更兼看部位青主驚風白主虛瀉赤主痰熱黑色病甚黃主脾疳以此相按察病治瘵

庶無誤矣。又全幼心鑑云：小兒半歲之際，有病當於額前眉端髮際之間，以名中食三指曲按之。兒頭在左，舉右手；在右，舉左手。食指為上，中指為中，名指為下。三指俱熱，主感風邪，鼻塞氣粗，發熱咳嗽。若三指俱冷，主外感風寒，內傷飲食，發熱吐瀉。若食中二指熱，主上熱；下冷，名中二指熱，主夾驚之疾。食指熱，主胸滿食滯；又當參辨脈形主之。○流珠形主飲食所傷，內熱欲吐，或腸鳴自利，煩躁啼哭，用助胃膏消飲食，分陰陽。若食消而病仍作，用香砂助胃膏以補脾胃。○環珠形主脾虛停食，胸膈脹滿，煩渴發熱，用五味異功散加山查枳實健脾消食。後用六君子湯調養中氣。○長珠形主脾傷飲食積滯，肚腹作痛，寒熱不食。先用大安丸消其積滯，次以異功散健其脾氣。○來蛇形主脾胃濕熱，中脘不利，乾嘔不食。此症邪內作，先用四味肥兒丸治疳，後用四君子湯補脾。○去蛇形主脾虛食積，吐瀉煩渴，氣短喘急，不食困睡。先用六君子湯加枳實健脾消積，次以七味白朮散調補胃氣。○弓反裡形主感冒寒邪，哽氣出氣驚悸，倦怠四肢稍冷，小便赤色，咳嗽吐涎。先用惺惺散助胃氣，祛外邪，後以五味異功散加茯神當歸養心血，助胃氣。若外邪既解，而驚悸指冷，脾氣受傷也，宜用七味白朮散補之。若悶亂氣粗喘促，哽氣者，難治，脾虛甚故也。○弓反外形主痰熱，心神恍惚，夾驚夾食，風癰痰盛。先以天麻防風丸祛外邪，又用五味異功散調中氣。○鎗形主風熱，主痰發搐。先用抱龍丸，如未應，用牛黃清心丸。若傳於脾肺，或過用風痰之藥，而見一切諸症者，專調補脾胃。○魚骨形主驚痰發熱。先用抱龍丸治之。如未應，屬肝火實熱，少用抑青丸以清肝。隨用六味丸以補肝，或發熱少食，或痰盛發搐，乃肝木尅脾土，用六君子湯加柴胡補脾土以制肝木。○水字形主驚風，食積胸膈，煩躁煩悶，少食，或夜啼痰盛，口噤搐搦。此脾胃虛弱，飲食積滯，而木尅土也。先用大安丸消導飲食，次以六君子湯加枳實健脾中清肝。若已服消食化痰等劑，而病不愈者，用四君升麻柴胡鈞藤鈞升補脾氣，平制肝木。○針形主心肝熱極，生風驚悸，煩悶困倦，不食痰盛搐搦。先用抱龍丸祛風化痰，次用六君子加鈞藤鈞升平肝實脾。○透關射指形主驚風痰熱，聚於胸膈，乃脾肺虧損，痰邪乘聚。先用牛黃清心丸清脾肺化痰涎，次用六君子湯加桔梗山藥補脾土益肺金。○透關射甲形主

驚風肝木尅制脾土之敗症。急用六君木香釣藤鉤官桂溫補脾土。未應即加附子以回陽氣。多得生者。嘗聞古人云。小兒為芽兒。如草之芽水之溫。蓋因臟腑脆嫩。口不能言。最難投劑。當首察面色而知其所屬。次驗虎口以辨其所因。實為治法之簡要也。

虎口三關脈紋




十三指形 流珠形



長珠形



環珠形



來蛇形




去蛇形




弓反裏形




鎗形



魚骨形



針形




弓反外形





水字形



透關射指形



透關射甲形



流珠只一點紅色。珠差大長珠圓長已上非謂圈子總皆經脈貫氣之如此來蛇即是長珠散一頭大一頭共去蛇亦如此分上下朝故曰來去角弓反張向裡為順向外為逆鎗形直上魚骨分開水字即三脉並行針形即過關一二粒米許射甲命脉向外透指命脉曲裡雖然余常治之亦有不專執其形脉而投劑者蓋但有是症即服是藥而亦多驗

治驗

一小兒發熱吐瀉腹脹不乳其紋如流珠此脾胃氣傷先用香砂助胃膏後用六君子湯全愈

一小兒寒熱作嘔飲食不入按其腹乃哭脉紋如長珠此飲食停滯也用大安丸吐瀉宿滯遂安但唇目抽動大便稀黃此病邪去而虛熱所迫也用六君子湯加釣藤鈎而愈

一小兒胸腹膨脹發熱煩悶脉紋如環珠以手按腹即哭此屬脾胃虛而飲食停滯也先用保和丸一服前症如失更加煩渴按其腹而不哭此宿食去而脾胃復傷也用五味異功散加柴胡治之頓瘳

一小兒不時乾嘔乳食不進肚腹膨脹脉形如來蛇此脾胃虛而成疳也用四味肥兒丸治疳佐以四君如蕪荑健中而痊後傷飲食吐瀉完穀形氣甚困四肢微搐視其紋如去蛇余曰且勿用藥次日吐止但搐而瀉青黃此脾土虛而肝木勝也用六君子加釣藤鈎而痊

一小兒未及周歲氣短喘急乳食少進時或吐乳視其形如去蛇乃脾傷而食積先用六君子如山查

枳實漸愈後乳食復傷吐瀉作渴先與胃苓膏繼與白朮散而愈

一小兒睡臥驚悸發熱痰盛脈形如弓之向外此因驚木旺傷脾而食不消也先以天麻防風丸祛風定驚後用五味異功散壯脾止搐全瘥

一小兒沉默昏倦肢冷驚悸其紋如弓之向裏此屬胃氣虛而外感寒邪也先用惺惺散以解外邪調胃氣諸症頓愈但手足逆冷又用六君子湯調補元氣而安

一小兒患咳嗽服牛黃清心丸加喘促腹脹余視其右臉色赤紋指如鎗此屬脾氣復傷用六君子湯頓安

一小兒沉困發熱驚搐不乳視其脈紋如亂魚骨此風熱急驚之症也先用抱龍丸少許祛風化痰後用六君子湯加柴胡壯脾平肝而愈

一小兒咳嗽發熱右臉赤色作渴煩悶倦怠少食肚腹作脹脈紋如針此風邪傷肺而飲食傷脾也先用六君子湯加桔梗杏仁柴胡一劑諸症少愈後去杏仁柴胡再劑而安

一小兒發熱夜啼乳食不進昏迷抽搐痰盛口噤脈紋如水字此脾肺氣虛風木所乘痰食積於胸腹也先用大安丸後用六君子加釣藤鉤而愈

一小兒發熱右臉赤咳嗽痰盛其脈紋透關射指余以為風邪蘊結於肺而痰作也用二陳加桑皮杏仁桔梗治之自用發散降火之劑風痰不退發熱益甚余曰此脾肺氣虛治失其宜遂用五味異功散

加炒桔梗漸愈又用六君子湯而痊

一小兒停食發熱服苓連三稜厚朴等劑飲食日少胸腹膨脹其紋透至指甲用補中益氣湯加木香釣藤鉤溫補脾氣平制肝木數劑漸効又用六君子湯加炮薑治之而安其間間泛用金石腦麝祛逐

之劑變驚而歿者不能枚舉惜哉

香砂助胃膏 方見熱吐

五味異功散

六君子湯 二方見內鈔

大安丸 方見虛羸

四味肥兒丸 方見嘔吐

四君子湯 方見內約

七味白朮散 方見腹痛

惺惺散

天麻防風丸 二方見咳嗽

抱龍丸 方見傷寒

牛黃清心丸 方見急驚

抑青丸 方見驚啼

六味丸 方見腎臟

保和丸 方見虛羸

胃苓湯 方見霍亂吐瀉

二陳湯 方見寒冷嘔吐

### 變蒸

巢氏云小兒變蒸者以長氣血也變者上氣蒸者體熱仲陽云變者易也又云變蒸者自內而長自下而上又身熱故每變畢即覺性情有異於前何者長生臟腑意智故也何謂三十二日長骨添精神人有三百六十五骨以象天數以應期歲以分十二經絡自初生至三十二日一變生癸屬足少陰經腎藏精與志六十四日二變一蒸生壬屬足太陽經膀胱腑其發耳與尻冷腎與膀胱合俱主於水天一生水地六成之至九十六日三變生丁屬手少陰經心藏神其性為喜至一百二十八日四變二蒸生丙屬手太陽經小腸腑其發汗出而微驚心與小腸合為火地二生火天七成之至一百六十日五變生乙屬足厥陰經肝藏魂喜哭至一百九十二日六變三蒸生甲屬足少陽經膽腑其發目不閉一作而赤肝與膽合主木天三生木地八成之至二百二十四日七變生辛屬手太陰經肺藏魄主聲至二百五十六日八變四蒸生庚屬手陽明經大腸腑其發膚熱而汗或不汗肺與大腸合主金地四生金天九成之至二百八十八日九變生己屬足太陰經脾藏意與智至三百二十日十變五蒸生戊屬足陽明經胃腑其發不食腹痛而吐乳脾與胃主土天五生土地十成之又手厥陰經心包絡為臟手少陽經三焦為腑此一臟一腑俱無狀故不變而不蒸也前十變五蒸乃天地之數以生成之此後如生齒能言知喜怒故云始全也太倉云氣入四肢長碎骨於十變後六十四日為一大蒸計三百八十四日長其經脈手受血故能持物足受血故能行立經云變且蒸謂蒸畢而足一歲之日有餘也師曰不汗而熱者發其汗大吐者微止不可

別治。又六十四日為二大蒸計四百四十八日。又六十四日為三大蒸計五百一十二日至五百七十六日。變蒸既畢，兒乃成人也。變者生五臟也。蒸者養六腑也。變者上氣蒸者發熱，每經一變一蒸，情態即異。輕則發熱微汗，其狀似驚，重則壯熱脈亂而數，或汗或吐，或煩啼躁渴，輕者五日解，重者七八日解。其候與傷寒相似，亦有變蒸之餘，續感寒邪者，但變蒸則耳冷，散冷上唇發泡如濁珠，若寒邪搏之，則寒熱交爭，腹中作痛而啼叫之聲，日夜不絕。變者易也，蒸於肝則目眩微赤，蒸於肺則噎咳毛聳。凡五臟六腑筋脉骨循環各有證應，其治法平和者散表之，實熱者微利之，可服紫霜丸。黑散子柴胡湯有寒無熱并吐瀉，不乳多啼者，當歸散調氣散主之。變蒸之外，小兒體貌情態自然平和，大抵人得中和之道，以為純粹陰陽，得所剛柔，兼濟氣血和而百脉順，所以心智益通，精神俱備，臟腑充實，形體固壯，齒細髮黑，聲洪睡穩，此乃受氣充足稟性得中而無疾爾。前症蓋小兒所不免者，雖勿藥亦可也。前藥峻烈，非惟臟腑之不勝，抑且反傷氣血，余常見一小兒至一變發熱有痰，投抱龍丸一粒，卒至不救。觀此可驗慎之慎之，其有不熱不驚，略無症候而暗變者，蓋受胎氣壯實故也。

紫霜丸

方見撮口

紫陽黑散治變蒸解利熱氣

麻黃

三兩不大黃半兩

杏仁

去皮二分半研

右以前三味和一處杵碎，略燒存性，後入杏仁膏和之，蜜

盛貯，每用一豆許，乳汁和嚥之。

柴胡湯治變蒸骨熱心煩啼叫不已

人參

二錢

甘草

二錢

麥門冬

去心二錢

龍胆草

酒炒黑

防風

各一錢

柴胡

五分

右每服一錢水煎

當歸散治變蒸有寒無熱

當歸

二錢

木香

二錢

官桂

各一錢

甘草

炙

人參

各一錢

右每服一錢，薑棗水煎。

調氣散治變蒸吐瀉不乳多啼欲發慢驚

木香

香附子

人參

橘皮

藿香

甘草

石為末每服一錢薑棗水煎服

肝臟

錢仲陽云肝主風實則目直大叫項急煩悶虛則咬牙呵氣熱則外生風氣溫則内生風大青膏散之若能飲水不止用大黃丸微下肝熱則目直不見發搐只手尋衣領及亂捻物瀉青丸主之壯熱飲水喘悶瀉白散主之肝病秋見肺怯不能勝肝也當用益黃散補脾瀉青丸治肝肝有風則目連眈得心熱則搐用瀉青丸治肝導赤散治心甚則身反張目直不搐則心不受也當用地黃丸補腎瀉青丸治肝唇白者不治又張潔古云肝主風自病則風搐拘急若心乘肝為實邪肺乘肝為賊邪腎乘肝為虛邪凡肝內病必先察其肺腎腎者肝之母肺者肝之賊今肝之得病若非腎水不能相生必是肺金鬼邪來尅故其來在肺先治其肺攻其鬼也其來在腎先補其腎滋其源也然後審其本臟之虛實而寒溫之竊謂前症若肝經實熱而外生風者宜用大青膏散之若既服而前症仍作或益甚者此邪氣已去而脾氣虧損也宜用異功散加芎歸補之若肝經虛熱或因尅伐而内生風者宜用異功散地黃丸補之若風邪入臟能食飲冷大便秘結者此邪氣內實也宜用大黃丸下之若既下而食少飲湯或腹作脹者此脾氣內虛也宜用白朮散補之氣血素弱或因病後或服攻伐之劑而手尋衣領咬牙呵欠目淡青者乃肝經虛甚也急用地黃丸以補腎肝哽氣短氣長出氣乃肺經虛甚也急用異功散以補脾肺若申酉時叫哭直視呵欠頻悶項急驚悸手足搖動發熱飲水者此風火相搏而勝肺金也用柴胡梔子散以治肝火生肝血用異功散補脾土生肺金若唇白者為脾絕不治夫嬰童之症多因妊娠厚味七情或兒乳哺失宜或乳母飲食鬱怒所致病氣既見形氣已虛當推其所因用藥加漏蘆以治其母兒飲一二匙後做此大青膏治傷風痰熱發搐

天麻

青黛

白附子

烏蛇

蝎尾

天竺黃

麝香

右為末

生蜜九豆大每用半粒薄荷湯化下

大黃丸治風熱裏實口中氣熱二便秘亦飲水不止

黑牽牛一半生一半炒川芎各半兩

甘草一錢

大黃一兩酒洗

右為末糊丸麻子大每服數丸溫蜜水乳

後服以瀉利為度大小用

愚按前症既屬裏實二便秘法當疎下若初服雖未通利而病勢已退不可再服如二便未利病勢未退當減數丸研化服之恐過劑則元氣傷而變病也

瀉青丸治急驚發搐眼赤睛疼

當歸

龍膽草炒川芎

防風

大黃炒

羌活

梔仁各等分

右為末

煉蜜丸芡實大每服一九砂糖湯化下

愚按前方足厥陰經解散肌表疏通內熱之藥也若大便秘結煩渴飲冷飲食如常者屬形病俱實宜用此以瀉之若大便調和煩渴飲冷目淡青色屬病氣實而形氣虛宜用抑肝散平之若大便不實作渴飲湯飲食少思肢體倦怠者屬形病俱虛宜用地黃丸補之大抵前症若因肝經血虛風熱先用四物湯加釣藤鈎以生肝血次用四君子湯以補脾土若因肝經血燥痰盛用地黃丸滋腎水生肝木四君加芍藥實脾土以平肝木若因攻伐而致脾土虛寒者急用六君子湯加丁香木香溫補脾土否則必變慢脾風也

抑肝散治肝經虛熱發搐或痰熱咬牙或驚悸寒熱或木乘土而嘔吐痰涎腹脹少食睡卧不安

軟柴胡

甘草各五

川芎八分

當歸

白朮炒

茯苓

釣藤鈎各一

右水

煎子母同服如蜜丸名抑青丸

小柴胡湯加山梔牡丹皮治肝膽經風熱瘰癧寒熱往來口哺發熱潮熱身熱不欲飲食或怒火口苦耳

聾咳嗽或脇痛胸滿小便不利或泄瀉吐酸苦水或肢體搐動唇目抽劄並宜用之方見變蒸

異功散方見天鈞

地黃丸方見臟腑

白朮散方見積滯

柴胡梔子散方見諸熱

導赤散方見心臟

四物湯方見急驚

四君子湯

六君子湯方見內鈞

加味清胃散方見天鈞

補中益氣湯方見虛羸

心臟

錢仲陽云心主驚實則叫哭發熱飲水而搐虛則困卧驚悸不安又云熱則睡中口氣溫及上竄咬牙而合面卧有就冷之意皆心熱也導赤散主之若仰面卧者乃心氣實氣不得上下流通也瀉心散主之心病冬見火勝水也當補腎治心輕者病自愈下竄不語者腎虛怯也又張潔古云心主熱若肺乘心為微邪肝乘心為虛邪脾乘心為實邪腎乘心為賊邪凡心臟得病必先調其肝腎肝氣通則心氣和肝氣滯則心氣乏此心病先求其肝清其源也五臟受病必傳其所勝腎之邪必傳於心故先治其腎逐其邪也若肝腎脈俱和然後察其心家虛實治之竊謂仰面卧者因其心胸實熱故喜仰面而向虛也合面卧者因心胸虛熱故喜合卧而就實也實則調治心肝虛則調補脾肺二者別之盡其狀矣其咬牙等症多有雷同不必拘泥如用瀉心導赤等劑邪氣雖去而病仍作當調補元氣或反甚急溫補元氣其心氣冬見或亥子時病益甚或下竄不語者乃腎水虛而心火甚也用地黃丸其乳下嬰兒須母服之

錢氏瀉心散治心經實熱

黃連 右為末每服五金臨卧溫水化下

愚按前症若叫哭發熱作渴飲水抽搐有力仰面而睡者屬心經實熱宜用瀉心散或導赤散若發熱飲湯抽搐乏力驚竄咬牙合面而睡者屬心經虛熱用補心散若喘嗽面赤壯熱飲水肺乘心也用瀉白散若搖頭目劓身熱抽搐肝乘心也用柴胡清肝散若合目昏睡泄瀉身熱脾乘心也用瀉黃散若

竄視驚悸咬牙足熱腎乘心也用安神丸若因乳母致症亦用前藥以治其母

生地黃

木通

甘草等分

右為末每服一錢入淡竹葉水煎

愚按瀉心散導赤散瀉心小腸實火之劑蓋心為脾之母脾為心子然心既病則脾土益虛矣用者審之

錢氏主犀散治心經虛熱

生地骨皮 赤芍藥

柴胡

乾葛各一兩

甘草五錢

犀角二錢

右為末每服一二錢

水煎新増

愚按前方云治心經虛熱其所用藥多屬瀉心瀉肝經之劑虛熱二字恐魯魚也如心經自病而血虛

熱者用秘旨安神丸脾虛奪心之氣而熱者用秘旨補脾湯肝木不能生心火而虛熱者用地黃丸

秘旨安神丸治心血虛而睡中驚悸或受驚嚇而作

人參

半夏湯泡

酸棗仁炒

茯神各一

當歸酒洗

橘紅

赤芍各七分

五味子

五粒

甘草炙三

右為末薑汁糊丸芡實大每服一丸生薑湯下

地黃丸

方見腎症

補心散方見驚啼

瀉白散方見肺臟

柴胡清肝散

方見熱症

瀉黃散方見脾臟

秘旨補脾湯方見驚啼

脾臟

錢仲陽云脾主困實則困睡身熱飲水或不飲水虛則吐瀉生風脾胃虛寒則面眇白目無精光口鼻氣冷肌體瘦弱吐水腹痛不思乳食用益黃散下利用調中丸傷風手足冷者脾臟怯也先用益黃散補脾後用大青膏發散脾病見四季皆倣此順者易治逆者難治脾怯當面赤黃若兼五臟相勝隨症治之又張潔古云脾主濕自病則泄瀉多睡體重昏倦若肝乘脾為賊邪心乘脾為虛邪肺乘脾為實邪腎乘脾為微邪凡脾之得病必先察其肝心二臟蓋肝是脾之兒心是脾之母肝氣盛則鬼邪有餘心氣虧則生氣不足當用平肝氣益心氣若診其脉肝心俱和則脾家自病察其虛實而治之竊謂前症實者病氣實而形氣虛也若面色眇白吐瀉腹痛口鼻氣冷屬寒水侮土宜用益黃散若面青唇黯吐瀉手足並冷此